



220200 Боғот шаҳарчаси Ўзбекистон кўчаси, 18 уй. Tel:31-51-807, faks:31-52-425

2020 йил «20» июл

№ 1727а

Боғот шаҳарчаси

Нусха № 1

«Ашхобод» маҳалла фуқаролар йиғинига Боғот тумани Ашхобод маҳалласи ҳудудидан «МФЙ» биноси қурилиши учун ер майдони ажратиб бериш тўғрисида

«Ашхобод» маҳалла фуқаролар йиғини раиси О.Қурбанбоевнинг Боғот тумани Ашхобод маҳалласи ҳудудидан «МФЙ» биноси қуриш учун ер майдони ажратиб беришни сўраб туман ҳокимлигига йўллаган 2020 йилдаги сўровномасини кўриб чиқиб, туман ҳокимлиги ҳузуридаги корхона, муассаса, ташкилот ва фуқароларга қишлоқ хўжалигига оид бўлмаган бошқа эҳтиёжлар учун ер участкалари танлаш (ажратиш) масалаларини кўриб чиқиш бўйича туман комиссиясининг 2020 йилдаги йиғилиш баёнини кўриб чиқиб, Ўзбекистон Республикаси Президентининг 2020 йил 18 февралдаги «Ўзбекистон Республикаси Маҳалла ва оилани қўллаб-қувватлаш вазирлиги фаолиятини ташкил этиш тўғрисида»ги ПҚ-4602-сонли қарори, Ўзбекистон Республикаси «Ер кодекси»нинг 6-22-моддалари, Ўзбекистон Республикаси «Маҳаллий давлат ҳокимияти тўғрисида»ги 6,25-моддаларига асосланиб,

ҚАРОР ҚИЛАМАН:

1. Туман ҳокимлиги ҳузуридаги корхона, муассаса, ташкилот ва фуқароларга қишлоқ хўжалигига оид бўлмаган бошқа эҳтиёжлар учун ер участкалари танлаш (ажратиш) масалаларини кўриб чиқиш бўйича туман комиссиясининг йиғилиш баёни тасдиқлансин.

2. «Ашхобод» маҳалла фуқаролар йиғинига Боғот тумани Ашхобод маҳалласи ҳудудидан «МФЙ» биноси учун туман захира ер майдонидан, қишлоқ хўжалигида фойдаланилмайдиган И.Дўсов массивининг 513 қисман контуридан умумий ер майдони 300 квадрат метр ер майдони доимий фойдаланиш учун ажратиб берилсин.

3. Туман архитектура ва қурилиш бўлими (Ф.Қурбанов)га;

“МФЙ”биносини қуриш учун ажратиб берилган 300 квадрат метр ер майдонини батафсил режалаштириш лойиҳаларини ишлаб чиқсин.

4. Ер ҳисоботиға тегишли ўзгартириш киритишни туман ер ресурслари ва давлат кадастри бўлими бошлиғи (Р.Раҳимов)га, ер участкасида объект қурилишини назорат қилишни туман ҳокимининг ўринбосари (А.Қуръязов)га, белгиланган тартибда ер солиғига боғлиқ ҳисоботларни ўзгартириш, солиқларнинг ўз вақтида тўланишини назорат қилишни туман давлат солиқ инспекцияси (Х.Жуманиёзов)га топширилсин.

5.Туман архитектура ва қурилиш бўлими (Ф.Қурбанов), туман ер ресурслари ва давлат кадастри бўлими бошлиғи (Р.Раҳимов) ва “Ашхобод” маҳалла фуқаролар йиғини раиси (О.Қурбанбоев)га доимий фойдаланиш учун ажратилган ер майдонини жойнинг ўзида (натура)да, далолатнома асосида белгилаб бериш вазифаси топширилсин.

6. Белгилаб қўйилсинки, Ўзбекистон Республикаси «Ер кодекси»нинг 36-моддасининг 6, 10-бандларига асосан доимий фойдаланиш учун ажратилган ер майдонидан бошқа мақсадларда фойдаланилганда ҳамда ер участкасидан 2 (икки) йил мобайнида фойдаланилмаганда ундан фойдаланиш ҳукуқи тўхтатилсин.

7. «Ашхобод» МФЙ раиси О.Қурбанбоевга:

Ушбу қарор қабул қилиниши муносабати билан ер участкасини давлат рўйхатидан ўтказиш вазифаси топширилсин.

8. Ушбу қарорнинг бажарилишини назорат қилиш туман ҳокимининг ўринбосари Э.Рўзметов ва туман ҳокимининг ўринбосари А.Қуръязовлар зиммасига юклатилсин.

Боғот тумани ҳокими

 О.Холбоев